



WISe

"Wraparound with Intensive Services"
(Tumwun me Aninis Mei Nap)



SERAFO

Met wewen WISe?

WISe eu minafon anen kaeo mei angechu me anisi ekkewe mi ter (weiweita ika nipwakingaw) pwe repwe sopwoch non imw, sukun, me sop. Non WISe, ekkewe serafo mei ter repwe tongeni angei me nounou sakopaten aninis, weiweita ika therapy me pwan ekkoch minen aninis, pwe repwe tongeni anapano me awattenoi ar sine. WISe a men aiti ngeni aramas ar repwe sine met repwe fori ne apochokuna me anukuchara ekkewe serafo mei ter pwe repwe tongeni kuna tufich non manawer.

Met mei sokkono lefilen WISe me ekkewe ekkoch pekin aninis?

Kopwe Pwusin Monota me Fori Omw Kokkot

Mei murrinno kopwe pwarata omw "voice and choice" weiweita ika "wisomw me ekiekomw" faniten met sakkun pekin aninis ka mochen omw kopwe nounou. Fan WISe, epwe wor ekkoch chon anisi (repwe iteni omw "team") repwe tongeni atituk me anisuk ren ekkoch ekiek pwe kopwe sinei ifa usun kopwe pwusin fori omw kokkot.

Kopwe Pwapwa Ren Omw Nipwakoch

Omw kewe chon anisi weiweita ika omw "team" repwe nengeni unesen nonomwum, pwe repwe sinei met sakkun nipwakoch mei kawor fanitom, nge esapw chok met sakkun osukosuk mei kawor fanitom.

Kopwe Tungor Epwe Wor Aninis Inet Chok Ka Mochen me Inet Chok A Wor Namotan

En mei tongeni omw kopwe angei "WISe crisis services" weiweita ika aninis inatapwanapwan fansoun meinisin. Ika a wor osukosuk ika atapwanapwan watte, emon me nein omw na team epwe mwutir churuk me non imwom, non omw nenien sukun, ika ia chok ka nonomw ie, ese pwan nefinifin.

Wisen me Ekiekin Serafo ("Youth Voice and Choice")

WISe a men sinei pwe mei wor an serafo pwuung ar repwe wisen kokkot me finata met sakkun therapy ika treatment repwe angei. Ekkewe chon anisi repwe aiti ngeni serafo met sakkun tumwun ika treatment epwe eoch ngeni ar repwe tongeni anapano ar pochokun me nipwakoch, fan ewe prokramen WISe.

IÖ epwe tongeni resiff aninis WISe?

Kopwe tongeni nounou WISe ika pwe en mei kis seni ier 21 me ika en mei pwan fich ngeni Medicaid.

Serafo mei nap seni ier 13 ra tongeni tungor ren eu "WISe Screen" ika Nengeni pwe repwe sisinei ika iir mei fich ika "qualify" (nge ika en mei kisi seni 13, a men auchea kopwe akomw angei mwumuwutan inomw/samomw). WISe a chok karan poputa non Washington. Mwen June 2018, WISe epwe wor non unesen ewe state. Ika ka mochen sinei inet WISe epwe poputa ika kawor me non neniomw, me io kopwene kori, kopwe katton ach we website: www.dshs.wa.gov/dbhr/cbh-wise.shtml.

Ka tongeni omw kopwe katon porausen WISe me pwan ekoch pirokramen aninis semirit mei nipwakingawen nonmekurer non ei website: <https://www.dshs.wa.gov/bha/division-behavioralhealth-and-recovery/mental-health-services-and-information>, are ika kori ewe Recovery Helpline, ese kamo: 866-789-1511.

Porausen Nepoputan Ei Prokram

Non 2009, a wor engon serafo ra fori Ra feri ar repwe kapwung ngeni ewe muun Washington faniten an epwe awora aninis (mental health services) mei öch faniten ekewe mei osukosukan nonmekurer ika ar ekiek. Iwe, pokiten ena mwokutukut, a wor ekkoch meinap ra kan fori eu minafon prokramen aninis, iwe ra iteni "Wraparound with Intensive Services", ika "WISe". Popunapen an wor ei minafon prokram (WISe) pwe epwe eu pekin aninis mei achocho ne eukano ukukun ekkewe serafo ra namotiw non ekkewe ekkoch nenien tumwun.

"Wraparound" eu angangen tumwun mei awora aninis faniten ekkewe mei wor ar nipwakingaw watte (akkaewin ngeni semirit, serafo, me nour kewe famini) pwe epwe tawe me tufich ngeni ar repwe tongeni nonomw non imwer o kuna tufich non manawer.

Ke mwochen fiti kich non ach ei angang?

En mei tongeni omw kopwe anisi kich non ach angangen awora aninis semirit. Ewe pekin "Family, Youth, System Partner Round Tables (FYSRTs)" eu angangen muun fonuach mei awora ochun aninis ngeni semirit mei osukosukan/semwinin nonmekurer ("children's behavioral health system"), pachanong WISe. Ka tongeni kaeo pwan ekoch auchean porausen ekei pirokram non ar ena website: FYSRT.com



Washington State
Department of Social
& Health Services

Transforming lives